

Մ Ա Հ Գ Ո Յ Ժ

✱ Աւետիս Ղուկասեան.

«Լուսալի» դեռ անցեալ համարում մենք գրուատում էինք հանրածանօթ հալ բարեգործ Աւետիս Ղուկասեանի «իր կենդանութեանը» կատարած առաքինի գործերը, և այսօր, երկու ամիս չըտրած ահա օրից, տխուր պարտականութիւն ունինք գուժել մեր ընթերցողներին այդ օրինակելի հալ բարեգործի և ճշմարիտ քրիստոնեայի անժամանակ սահը որ տեղի ունեցաւ ամառս 5-ին: Ասում ենք անժամանակ, որովհետեւ նա չբաւականալով իւր կենդանութեամբ կատարած բարի բարի գործերով, չբաւականալով իւր մեծագումար կտակով, որի մանրամասնութիւնները մենք քաղուածօրէն առաջ ենք բերում սոյն համարում, դեռ, շատ բան ունէր կատարելու և այսուհետեւ և իւր մահուան անկողնի մէջ անգամ մրմնջում էր իւր ապարդալ գործունէութեան մասին:

Մեծ չէ հանգուցեալ Աւետիս Ղուկասեանի կենսագրութիւնը. նա ծնուել է 1837 թուին Շուշի քաղաքում, ուր և ստացել է իւր կրթութիւնը և աւարտել տեղի զաւառական դպրոցը, որից լեռ նուիրել է իրան վաճառականութեան: Նա ամուսնանում է Խոնուհնց Յովհաննիսի դստեր Աննայի հետ և իւր եղբայրների հետ սիասին սկսում է առևտրական գործով պարապել Մոսկուա, Նուխի, Ղուբա և Շուշի քաղաքներում, գլխաւորապէս արտահանելով տորոն, թել և ապա մանուֆակտուրային ապրանքներ, վերջինիս առևտուրը շարունակում է նաև Բաղու, ուր ապա դադարացնելով այդ նուիրում է իրան նաւթային գործերի, որպէս Գ. Արաֆելեան և ընկ. բաժնետէր:

1892 թ. Աւետիսը վերջնականապէս դադարացրեց իւր առևտրական գործերը և տեղափոխուեց Բագուից Փիֆլիս, ուր Աստուած նորան պարգևեց մի դուստր:

Կենսագրութիւնը մեծ չէր, բայց մեծ են նորա կատարած գործերը: — Նա մի խոշոր գումար տալով շինել է տուել Բագուի Մարդասիրական ընկերութեան յալտնի բնակարանի վերնալարիկի փառաւոր դահլիճը, ուր և գրուած է նորա լիշատակը: Իսկ զլխաւոր բարեգործութիւնները նա կատարել է

Թիֆլիս տեղափոխուելուց լիտու, Յիշենք նոցանից լատինիները-
1896 թուին նա շինեց սրբատաշ քարից մի հոլակապ
շինութիւն Սևանի վանքում, կահաւորելով իւր ծախքով:

Նոյն թուին նա գնեց հարիւրամեայ հալ լրագրութեան
մի ժողովածու և նուիրեց ս. Էջմիածնի մատենադարանին:



Նոյն թուից սկսեց կառուցանել Թիֆլիսի վանքի մալր
եկեղեցու գաւթում մի փոքրիկ, բայց հոլակապ շինութիւն
կրօնական թանգարանի համար, որին կից ապա հիմնեց մի
համակրելի գրական մրցանակ իւր անունով, որի մանրամաս-
նութիւնները ժամանակին հաղորդել ենք «Առւմայի» ընթեր-
ցողներին: Թանգարանին կից շինեց մի հոլակապ մուտքի դուռ
դէպի Վանքի գաւիթը տանող և դեռ դիտաւորութիւն ունէր
ալդ ղունից մինչև զանգակատունը հոլակապ պարիսպ շինել
սրբատաշքարից և վանդակաղարդ:

Նա օգնում էր աջ ու ձախ. ամեն հանդանակութեան

զլիսաւոր մասնակցողներէց մէկը Ա. Ղուկասեանն էր լինում, ոչ մի դիմող դատարկածունն չէր հեռանում նորանից, 5—6 թոշակաւոր շարունակ ուսանում էին և ուսանում են այսօր նորա ծախքով թիֆլիս և Ռուսաստան: Այս ամենը իւր կենդանութեամբ, իսկ մահից լետ թողեց մի կտակ, որ պահուում է նորա բոլոր գործերը և լաւութեան պիտի անմահացնէ հանգուցեալի լիշատակը:

Հանգուցեալի թէ կենդանութեամբ և թէ կտակով արած բարեգործութիւնները գումարը հասնում է 200,000 ռուբլու, այսչափ գումարի կտակներ թերևս ուրիշներ ևս արել են, բայց մեզ համար առանձնապէս զին ունի Ա. Ղուկասեանի կտակը, որովհետև ուրիշները անշուշտ իրանց միլիոններէց են արել իրանց բարեգործութիւնը, իսկ հանգուցեալը իւր չափաւոր կարողութիւնից: Նորա բոլոր ունեցածը իւր կազմած վերջին հաշուով հասնում է մօտ 850 հազար ռուբլու, որից դուրս դալով տունը, կտակաւանդեալ գումարները և կասկածելի ստանալիքները, մնում է իւր տիկնոջ մօտ 140,000 ռուբլու գումար և մի երեք արքան էլ իւր եօթնամեալ դստեր, և այս ամենը թէ դրամով, թէ գոյքով և թէ դանազան առևտրական ձեռնարկութիւնների մէջ:

Աւետիս Ղուկասեանը, որին մենք մերձաւորը լինելու պատիւն ունէինք, բարի քրիստոնեայ մարդ էր, ընտանեակէր, չափազանց ընթերցասէր և նորա տունը ներկայացնում էր հարկական հիւրասիրութեան մի կեդրոնավայր, ուր իբրև հայր Աբրահամու տանը խմբում էին և հիւրասիրում անխտիր ամեն դասակարգի անձինք: Նորա զգալուն սիրտը կարող է իբրև օրինակ ծառայել շատ մեծատունների համար: Սրբէք չենք կարող մոռանալ նորա խօսքերը ուղղած մեզ. «տէր հայր, ես գոհութիւն Աստուծոյ, վրութեան և առատութեան մէջ եմ և երբ բարեկամներով և սիրելիներով շրջապատուած սեղան եմ նստում իսկոյն լիշում եմ, որ բազմաթիւ մարդիկ կան, որ այդ միջոցին ցամաք հաց չունին ուտելու և թիւքան կուլ չէ գնում ինձ. ինձ շատ կարտաւորացնէիք, որ զէթ տարուալ երկու մեծ տօներին ներկայացնէիք ինձ ձեր աղքատ ծխերի մի ցուցակ, զէպի որոնց կարողանալի ես իմ պարտքս կատարել»...

Ազգիս սրբազնազոյն Քահանայապետի կարդադրութեամբ հանգ. Ա. Ղուկասեանը ամենամեծ շուքով թաղուեց վանքի ա. եկեղեցու թանգարանի տակ. պատարապէց Սրբազան Գ. Սաթուհեանը, պատարազի ժամանակ մի ազդու և զիւթիչ քարոզով դրուատեց հանգուցեալին Տ. Բինիկ վարդապետը, իսկ եկեղեցում կարգը կատարելիս հանդիսադիր եղաւ ինքը վեհ. Հայրապետը:

Յաւիտենական հանգիստ ուսումնասէր բարերարի ոսկորներին: